

序

今之論醫者曰。中醫善治內證。西醫長於外科。詢其何以知其然也。則曰。西醫精解剖。斷截。筋。洗。目爲常事耳。是言也。謂目下之中醫則可。謂古昔之中醫則不可。蓋古之醫師類多解此。扁鵲華佗。尤其著者。試讀山西醫學雜誌。（纂輯中西解剖病理）一通。當知吾言之非妄。然斯妙法神技。何爲不傳。至今日而與西人頗頗耶。曰守祕而已。

余謂中醫之日漸陵替。西醫之月異日新。其因雖有種種。而守祕與公開。實爲至大之原。蓋學理以研究而愈明。方劑以試用而的知。設有新理良方。惟知自祕。不肯公佈。微特不能更有發明。卽此一端。亦必終歸湮沒。吾國醫界。不明乎此。以致古醫麻醉。剝剝之術。失傳於後世。反使西醫後進。矜炫其法。撫今思昔。能毋慨歎。爲今之計。亟宜開誠佈公。相互研求。一掃向日守祕之惡習。則中華醫學。庶有豸乎。

凌師曉五。有清吳郡之名醫也。學問淵博。精驗宏富。家藏醫書。奚啻萬卷。胥熟讀精思。舍短取長。故爲人治病。輒多奇效。惜冗於診務。乏暇著述。所作僅數種耳。『醫學薪傳。』『銅鶴亭集方。』已由哲嗣合刊流傳。尙有『方外奇方。』『凌臨靈方。』『本草害利』等書。未付剞劂。今歲裘公有三三醫書之創刊。主思中醫外科之見拙於人。良由外科佳籍鮮於流通所致。爰將凌師方外奇方一書。商諸裘公。編入印行。并綴數語。以告世。

醫。至本書所列各方。實凌氏一生經驗之所萃。用者自知其妙無待不佞之喋喋也。

民國十三年四月。沈仲圭謹序。

重刻序

世人對於中西醫學之評判。輒謂西醫擅外科。中醫精內病。按之實際。西醫診療內病。固多特過中醫之處。中醫對於外科。詎無捷效良方。以內外科疾患衡量中西醫學之高下。實至無據之談也。今就簡冊所載。撮述數事。以明中醫確有愈外症之經驗效方焉。冷廬醫話卷五云。『同邑鄭拙言學博。性喜單方。言其經驗最靈者有四。道光壬寅年。館樂平汪軍門家。糞門前。腎囊後。起一堅塊。漸覺疼痛。虛寒虛熱時作。案頭有同壽錄。檢一方云。『跨馬癰初起。用甘草五錢。酒水各一盞。煎服。』如方服之。塊漸軟。次日略出清水。不數日全愈。』（圭按跨馬癰卽懸癰。喜多春香城亦認粉甘草膏爲此症良藥。）毛達可便易經驗集纏喉風祕方條下云。『常熟趙氏祖傳纏喉風藥甚效。而方極祕惜。一日。趙氏子與友章某飲。詢其方不答。酒次。趙喉間痛不可忍。乃大聲曰。『爲求猪牙皂角來。』來則細搗。以醋調入喉。五匙。嗽痰大吐。痛立止。餘藥塗頸上。乾則易之。其乳蛾卽破而愈。後章傳人頗衆。』（圭按皂角治喉風。李氏綱目亦極言其效。）梅氏驗方新編天虛我生弁言云。『先慈每年必以芙蓉花浸鹽鹵中。明年

夏日小兒有患瘡癰者。數之立愈。又以初生之鼠。漬菜油中。患湯火傷者。得此立止其痛。又於梅雨時捕集蜒蚰。與梅子同醃。遇喉症輒應手而愈。予皆親身所曾實驗者也。『南京醫學報第五期包蘅村曰。』咸豐十一年及同治二年。先父行醫香港。是時港埠未闢。居民猶鮮。風俗強悍。不受法律。且好食禾蟲。以故下流社會之人。每患疔毒。一患疔毒。又不肯忌葷。故走黃之症獨多。先父每以芭蕉根搗汁。令冷飲之。雖偏體走黃者。無不愈。『上舉四例。雖病之輕重不同。而收效之速則一。且余所述。僅四事耳。若博稽方書。類夫此項之紀載與良方。正難屈指而計。詎醫籍所記。盡皆子虛烏有耶。故余以爲中醫外科之治療。除器械。消毒。手術外。其餘方藥。正不讓泰西醫術也。仲圭少習內科。於王香巖夫子。讀書之暇。錄有方外奇方。凌臨靈方。醫學體用等書。業由吉生先生采入三三醫書行世。廼者。上海世界書局輯印珍本醫書集成。宣揚國粹。良足欽佩。仲圭寢饋此道。垂二十年。深信中醫之效方妙藥。不至廢棄。故於本書重版之日。再抒其管見。以就正世之賢達焉。

民國廿五年四月下浣。杭州沈仲圭敘於糧道山。

弁言

溯此藁之藍本。由一雲游戒德僧。雅慕我湖城南道場山碧浪湖。天然山青水綠。鍾靈毓秀。文筆峯高。生成一幅好圖畫。爰駐錫於皈雲禪院。此僧

深知醫理。外科尤精。出其技以濟世活人。遠近聞名。求治者衆。日無暇晷。道場侯以費姓爲大族。卽明末刺虎費官娥之母族也。子若弟從僧爲師。裏事之。僧因佛家以慈悲爲本。方便爲門。經年不辭勞苦。遂致一病圓寂。彌留時。將渠經驗秘藏。修煉昇降膏丹方藥抄本書。傳授費氏子弟。繼續施送。故名其書曰方外奇方。緣我師曉五胞伯。昔從下昂村吳古年太夫子門下時。與五湖散人大錢口外科名醫費大鰲先生同學。彼此友愛。莫逆。得獲此稿。照方修施。合治頗有效驗。什襲珍藏。旋以避難新市之東。新開河時。蘇州僞忠王李。湖州僞慕王楊。聞名延治。鎗林彈雨中。嘗以活雞皮及桑根白皮。縫補刀傷頭頸。用麻醉藥。剖挖中鎗子彈。皆得此書膏丹之力爲多。詠成童舞勺時。侍診於傍。親眼目覩也。湖郡克復。歸返里門。日夕應診勤勞。我師致遺環跳癰。附骨疽。盧醫不自醫。呻吟床褥。痛苦異常。乃央妻弟李蓉青。表母舅宗蓮。延請伊外舅菱湖鎮外科名醫費杏林先生至郡醫治。伊知凌氏有費氏抄本方外奇方。諸藥齊備。故不攜藥箱而來。惟帶有止痛仙丹兩小粒。質黑外粘金箔爲衣。囑卽囑圖嚙下。不可嚼碎。吞下一時許。抽痛頓除。家人喜出望外。何其技矣。神乎。學生等環求請益再三。方知此仙丹。卽雅片烟泡云。悉此間勿有。我故帶來。此物本西醫治痛症之要藥。非我之神技耳。一笑置之。當將凌氏抄本方外奇方。寓目一過。爲糾正之。損益之。先有曉五公門下士。我湖長超山奚家坎外科世醫朱寶綸先生長子。朱皆春師兄受業時。曾將此稿方外奇方。與朱氏習

用外科方藥膏丹。悉心研究。去蕪存菁。增益除害。一派正宗。是以醫林知之者。尤覺寶貴也。詠自離師門後。曾經利藪名場。五十年中。不彈此調者久矣。記有師承心得。習外科醫學者。應宜留心焉。蓋開刀如劈柴。須看縷理。宜直縷開刀。擠出膿血。即合。若不辨明。誤開橫縷。截斷縷絲。一時翻口難合。收功不易。至於男子龜頭。婦女乳房。頭面手指間生瘡毒。勿得率爾奏刀。重待自潰。取膿斂口。幸勿妄用昇降藥品。戒之慎之。又凡攤膏手技。夏天攤膏宜薄。謂如銅鑼邊菊花心者。有圈邊膠粘易貼。冬天宜厚好貼。不致有犯破傷風病。亦應留意者焉。此書拔毒門中。有名十面埋伏散者。其中所用全蠟。宜將滾開水泡捏多次。嘗之味淡勿鹹。方能用有效力。又有蟬蛻。微焙研極細末。不嫌其勞。方中麝香。切勿可嫌價貴減用。不生效力。有此二項經驗。勿得勿表而出之。以竟全功也。此稿茲由同門四明王香巖師兄之執經弟子。沈君仲圭抄錄。郵致古越裘君吉生社中。今於三三醫書一集中。排印行世。公諸同好。不自秘藏。勿致煙沒不彰。亦保存國粹之一端。先得我心。同一闡揚先哲遺書。庶幾知其內容之原旨緣起。屢經專科名醫研究而成。此本得之者。自能心領神會。不難明瞭。若將徐洄溪批陳實功外科正宗。寶漢卿瘡瘍經驗全書。及近刊華亭高文晉外科圖說。併斯方外奇方。簡練揣摩。循途而進。不啻習外科醫學之導師也。己酉誕生。兩次重逢。甲子年歲朝春。吳興永言醫叟凌詠。識於上海寓居尙素軒內。

清故資政大夫二品封典凌公曉五行狀

公凌氏諱奐原名維正字曉五一字曉鄒晚號折肱老人元祕書監吳興郡侯吉川公之後由安吉遷居歸安之苕霅至公會祖漢飛又由苕霅遷郡橫塘遂世爲歸安人明史方伎傳有字漢章而以鍼灸名者公十一世祖也以醫傳世代有聞人公生而體弱善病遂棄舉子業習岐黃家言資性警敏異常人廣蒐漢唐以來名醫方書昕夕研求必究其原而窮其理吾湖織里多書賈有以烏鎮僧逸林舊藏祕籍求售者公愛不忍釋時近歲暮罄囊不足至典新裘以易之前後弄藏萬餘卷多海內未見之本著飼鶴亭藏書志三卷攷覈精密弱冠後名稍稍出閭巷郡南下昂村吳淞生明經芹儒醫也見公方案贊歎不去口公遂從而受業焉歸而學益進名益起男婦大小方脈以至瘡瘍損傷諸科無不精求診者趾錯於戶治病多奇效生死一言可決婦豎無所不知皆稱凌僊人遠近幣聘爭迎寒暑靡間不言勞不責酬貧而病者兼施以珍藥無少惜五十年如一日當世名公卿如侯官郭遠堂制軍番禺楊黼香太守咸旌其廬四方執籍來學者數十輩中多知名士苕中七子俞勁叔剛其一也亦間有鄉曲之子素鈔讀書公有教無類一以內經靈素爲根柢更取古今專家著述口講指畫聽者忘疲並時舉古人名醫無後之言相誥誡及門諸子沾溉餘緒學成以去各本所得師承出而問世率多運用不竭醫名藉甚以余所知

長超朱皆春。鎮海王香巖。烏程李季青。及公胞姪永言表兄。其尤著者也。公既於醫有心得。不自珍祕。臨證課徒之暇。手訂本草害利八卷。及醫學薪傳一卷。飼鶴亭集方二卷。族子霞序而行之。其六科良方集要一書。則就錢塘周氏舊本。重爲校補刊印者也。爲人任俠好義。勇於赴事。浙省錢糧耗羨。程安二縣爲最重。民不能堪。公先世隱於吏。有田文焚券盛德。故田間疾苦。知之獨詳。咸豐戊午歲大祲。官督漕急。奸民吳士勤。與葉邦傑。沈元虎等爭雄長。聚羣不逞之徒。鬪於市。毀及公祖屋。當事以抗糧誣揭大府。株連百餘村。公有田在苕濠。又痛覆巢之禍。義忿所激。奮不顧身。時粵逆已偪郡西之泗安。間道犇控臺省。復謁段廉使光清行營。下其事於縣。又自扭士勤解案。縱弗治。慮益熾。後患不得已。倉皇走京師。申理得直。會省城陷。事遂寢。而公之出入其中。備歷艱險。瀕死者數矣。因繪脫難圖。自識事之顛末。以示子孫。凡患難中。一飯之恩。一錢之惠。無不縷載。直道在人。卒以挽回天心。隱弭鉅案。生還故里。骨肉重圓。未始非公先人公門積德所致。庚申湖防告急。重關不啓。時公昆弟六人已析產。獨先奉二親避兵於新市東五里之新開河村。而懸壺於新市。旦出暮入。以博菽水之資。烽烟彌眼。晨昏無怠。同治壬戌。郡城不守。諸族姓及親故往投者。不絕於道。公一一款留。推食解衣。有從者如歸之樂。卽平居不相通問。而但能識公姓名者。皆就食焉。其時斗米千錢。食指累百。醫之所入。僅堪一飽。嘗因天雨斷炊。徒跣泥淖中。走十里外。乞貸以舉火。有知其窮而他去者。更

質衣物以資其行。二親相繼歿於鄉。公獨行殯葬。悉如禮。鄉居三年。盜不入其閭。人以爲好善之報。諸戚族避地者。亦受庇焉。甲子官軍復郡城。公攜家歸。首命長君初平。收葬戰骨以萬計。又合諸難裔。於五月初三城陷紀念日。就郡縣城隍祠。延僧道作道場。薦度殉難官民。歲以爲常。亦安不忘危之意。並請地方有司。禁屠宰一日。顧屠沽仍有違禁私宰者。公勸之不可。則投其肉於河。公歿後。遂無有能阻之者。今則世變境遷。弁難日紀。念而已成告朔矣。爰切遺黎。繼之疫癘。復與姚公守梅諸善董。創立仁濟善堂。拯荒救生。諸事皆隸焉。而尤以施送醫藥爲急務。貧民持善堂聯單求醫者。公一律待遇。無少歧視。改革後公私掃地。舊時地方。慈善事業。半多中輟。惟善堂施醫。歷久不廢。推原本始。實公提倡之力爲多。鄉里有不平事。力爲排解。有魯仲連之遺風。光緒甲申。各鄉被水成災。歲收不及二成。安邑宰譚公恩。嚴格於吏議。徵如額。民情洶洶。相率停斛。要挾糧艘。麕集城內外。數以千計。聚衆鳴鼓。勢將搗毀官署。幾重釀戊午之變。事機危迫。間不容髮。公道經便民倉外。鄉民遮輿羅拜。共慶得生。公慨然引爲己任。遂偕姚公守梅。入謁譚公。爲民請命。得照入折減收。人心大定。官民咸受其賜。急人之難。常恐不及。出死入生。一言足重。公弟子有妙喜朱竹士者。憤族叔某橫行無狀。手刃之而自首於官。直承不諱。將論重辟。公乘程邑宰周公銳延診之便。從容陳竹士母老子幼。宜在矜原之例。竹士得減等律擬。遇赦出獄。去公歿時。甫踰年耳。公雖嚮道大行。不事居積。終歲所

得。隨手散盡。產不及中人。而樂善之誠。根於天性。未嘗爲有無計。嘗有華樓橋下。舟居一江北。苦力。浼公往診。病不治。且無以爲殮。公輒走喘汗。既爲募得樂壽善會施棺。復晨叩月河王氏門。乞舊縣衣一襲。以爲裹屍之具。二十年後。王氏諸孫旅滬者。追懷軼事。猶爲公後人津津道之。其他好義力行多類此。敬宗收族。倡修茗儉支祠。以聯城鄉同宗睦誼。春秋饗祀。至今子孫奉行不替。平時禮遇族人。尤重名節。族嫂氏潘忠介嫡裔也。貧無依賴。恃紡績爲生活。公以其矢志苦節。無忝宗風。謀諸族人。使守祠宇。以終老。並爲列狀請旌節孝。懸額祠旁。與忠介同傳不朽。用意深遠。足資觀感。堂姪紹會。少孤貧。不能自立。公旣爲綢繆家室。復令繼承小莊。公分遺莊書舊業。願性謹愿。拙於催科。歲計恆不及額。公必爲彌縫匡救。公私賴以兩全。族兄鹿樵。出亡於外。死未歸骨。嫂氏史先曾留養公家。子象會幼遭離散。公多方物色。卒使母子完聚。象會雖不善治生業。而事母能盡孝養。公始終周卹之。誼篤宗親。昭昭在人耳目。公雖專精一藝。而能背誦經史大義。旁及佛書道藏。經咒符籙之屬。無所不通。龍虎天師張真人。遣法官至湖。授公天醫院治病僊官。並頒經籙。公嚮道素篤。奉金蓋山龍門正派。爲費撥雲衣鉢弟子。道號壺隱。刼後宗壇香火不絕如綫。歸安孝子程抱雲處士符。棄官尋親。先寄居郡城天后宮。公重其爲人。遂合諸同宗。延主梅觀講席。以正誼表率後學。遠近嚮慕。宗風爲之一振。含山仇詹千戎掄元。嚴於治盜。偵得者十九就擒。公勸之濟以寬。遂指引入雲山問道。

師事公。其後詹君卒爲盜黨所報復。論者謂公有前知焉。又嘗受正乙五雷法於章法師元敬。師常住郡城之玉皇殿。年老有足疾。殿爲茅山道衆所據。將逐章。公力爲之爭。遂分雷祖殿一區。俾收香火。資以終老。先是有郡城東關外某廟住僧發心者。一苦行頭陀也。能結善信緣。他寺僧中以蜚語憤而自宮。公聞之。飛輿往救。始復蘇。並給葭藥以善其後。得終主其廟者十餘年。郡城武聖宮。俗名大關帝廟。古刹也。遭兵久圯。發心既慶更生。沿街誦佛募資。重新廟貌。安邑宰沈公寶清。從公之請。撥留茶捐公款。以成其志。古天醫廟。在郡南橫塘。去公祖居不遠。自經兵火。廢爲桑園。代遠年湮。幾不可攷。爲他業所侵佔。將於其地改建軒轅公所。公聯合醫林同志。按圖定界。至今賴以保存。公之扶翼正教。德及方外。遠近名山福地。黃冠緇流。皆依爲護法善神焉。應世餘聞。不廢翰墨。書法米襄陽。兼工篆隸。亦善繪事。寫水墨魚龍。尤饒生致。然皆爲醫名所掩。少解音律。通元人詞曲。老而豪氣不減。歲時逢吉。賓朋滿座。興至則引吭高唱。大江東去。一闋以爲笑樂。余少時。猶數聞之。至其善拳術。不自矜膂力。嘗於燕齊道中。爲人捍衛。則更無有知之者矣。教子弟以讀書爲樂。擇名師課之。未嘗加以督責。而謝庭羣彥。卒皆學成名立。光大門閭。爲善者後必興。不其宜歟。公年五十一。時創發甚劇。長君初平。剖股療父。復延菱湖瘍科世醫先外祖杏林費公。施以刀圭而愈。病中慮有不諱。伏枕手書遺訓數千言。處分身後家事甚悉。無一字不從。血性忠告。讀之令人油然而生孝友之心。天相

吉人卒獲大壽。於光緒癸巳四月八日浴佛節考終里第。春秋七十有二。元配李太夫人。余長姑母也。聖善宜家。四德純備。天奪賢母。先公四十五年卒。生子二女一。長子紱會。卽初平徵君。詰經精舍高才生。少有文名。並承家學。精醫術。清光緒間。兩膺特召。爲醇賢親王治疾。疊蒙兩宮召見五次。獨對二次。溫語褒嘉。有醫學頗有根柢等諭。歷官粵魯牧宰。體先世積德之訓。所至多惠政。案無留獄。暇輒爲民診治。公庭出入無禁。活國活人民。愛之如慈母。並分鵠俸。購求古籍。有鴻術堂藏書二萬餘卷。中多宋明精刻。讀書讀律。日手一編。時以經術潤色文治。自署安靜之吏。有兩漢儒生臨民氣象。次汝會。字穎士。以知縣官閩省。值臺疆多故。迭著勞勩。亦以能吏聞於時。長女適同邑諸生沈家駿。公高足弟子也。世居新市之西句城。新市爲公舊游地。沈氏接踵而起。淵源有自。尤精婦人科。至今子孫猶世其業。三子可會。字定孚。附貢生。四子綬會。字爽泉。皆能醫。得公真傳。無時醫習氣。綬會於侍診時。輯有公臨證醫案四卷。五步會。字頌武。六企會。字謙六。七景會。字仰止。先後入邑庠。各能與時變通。不沾沾於章句。步會先經桐廬袁忠節公招往蕪湖。任以校刊志乘詩文之役。後遂轉入仕途。企會棄書就賈。歷辦營口蘇滬繭絲實業。景會與余共几席。相契尤厚。次女適德清胡安瀾。亦諸生。自可會以下子女六人。徐太夫人出。紱會步會皆李出。嗣孫十三。紱會生長孫祖壽。字銘之。以附生貢成均。奉諱後。僑寓滬濱。娛親養志。不樂仕進。續修支祠宗譜。並獨力捐立正記公堂。克成祖

若父未竟之志。光緒甲辰。捐助直隸善後賑款。獎給祖父母父母樂善好施字樣。仍准自行建坊。又遵母命。捐資興學。同鄉公推爲湖州旅滬公學校長。兼南洋女子師範學校校長。樂育多才。成績久著。得獎勵學功宏匾額。加一等金質嘉祥章。又以故父遺書。捐入吳興地方圖書館。以公衆覽。汝會生人壽之壽。昶壽。可會生頤壽。恒壽。升壽。綬會生金壽。步會生南壽。礪壽。堯壽。企會生曼壽。景會生牟壽。孫女四人。已嫁者三。皆適士族。曾孫八。華儁。華儔。華仁。華倫。華倜。華佶。華侃。華伸。曾孫女五。玄孫三。尙賢。齊賢。希賢。先以次子汝會階封公。夫婦四品。繼以長子紱會。山東濰縣任內。遇覃恩加級。捐請二品封典。凌氏世有隱德。積久流光。生榮死哀。鄉鄰稱羨。自公高會祖父。以至伯叔兄弟。率登壽考。公以少時孱弱之軀。又多難。蒙犯風雪。致成喘哮之疾。善自攝衛。中年氣體。轉益彊固。食量兼人。處境亦漸亨。終其身無不如意事。捐館迄今三十年。七子二女。半尙生存。而冢婦沈夫人。且已壽開八秩。賢孝特著。例得褒揚。一門禮教無虧。人才輩出。各以所學。涉歷政商學界。轍跡徧長江上下。遠及東瀛。德澤之久長。枝葉之蕃衍。求諸並世親知中。殆無倫比。蓋清門世胄。其所留貽者遠矣。會今歲辛酉。距公與先長姑道光壬午始降之年。適同屆百齡僊壽。將循世俗成例。先後舉行追慶禮。藉申報本之忱。百世令名。表彰宜亟。中表諸昆季。以同時至戚後進。知公之詳。與相關之切。未有如余者。屬爲文以狀其事。余生也晚。幸免於洪楊之難。顧蚤歲過庭。側聞先大夫暨諸父老輩。述亂

離相依情況歷歷在目。心識之不敢忘。長而與竹林諸阮。馳騁名場。以學行相砥礪。且衡門咫尺。朝夕趨陪。杖履者十餘年。又嘗橐筆入初平表兄海陽縣幕。於公一生學術道德大節。與夫遺言往行。訪求有素。欽折亦最深。故不敢以不文辭。乃卽今昔見知聞知所得。證以孝子賢孫之所陳述者。略本編年紀事之例。以次類敘。條繫時地。並參物論。以諗來者。事必徵實。語不憚煩。庶備修志乘者采擇焉。謹狀。

中華民國紀元十年夏正辛酉五月內姪李毓璠頓首拜譔。

外科方外奇方目錄

卷一

升降部	一
匱藥部	八
內消部	一三
內護部	一七

卷二

化毒部	一九
點頭部	二一
拔毒部	二三
去腐部	二三
止痛部	二三
生肌收口部	二四
去管部	二八
膏藥部	三一

卷三

疔瘡部	四一
喉症部	四三

諸瘡部

四七

卷四

臙瘡部

五五

癰瘡部

五八

痔瘡部

六〇

口牙部

六三

鼻耳部

六六

脚部

六七

補遺

六八

外科方外奇方卷一

清浙湖凌曉五先生遺著 後學

杭州沈仲圭錄存
杭州蔡燮陽校刊

升降部

大紅昇 辰州大劈砂五錢 明雄黃五錢 水銀一兩 火硝四兩
白礬一兩 皂礬六錢 先將二礬火硝研碎入大銅杓內加火酒一杯炖化一乾即起研細另將汞硃雄研細至不見星爲度再入硝礬末研勻先將陽城罐用紙筋泥搪指厚陰乾常輕輕撲之不使生裂紋搪泥罐子泥亦可用如有裂紋以罐子泥補之極乾再晒無裂紋方入前藥在內罐口以鐵油盞蓋定加鐵梁盞上下用鐵鑼鐵絲扎緊用綿紙撚條護密周圍塞罐口縫間外用熟石羔細末醋調封固盞上加炭火二塊使盞熱罐口封固易乾也用大釘三根釘放地下將罐下放釘上罐底下置壑大炭火一塊外砌百眼爐升三炷香第一炷香惟用底火如火大則汞先飛上二炷香用大半罐火以筆蘸水擦盞三炷香火平罐口用扇搨之頻用水擦盞弗令乾乾則汞先飛上三炷香完去火冷定開看方氣足盞上約六七錢刮下研細磁罐盛用再預以鹽滷汁調罐子稀泥用筆蘸泥水埽罐口周圍勿令泄氣蓋恐有綠煙起汞走也綠煙一走即無用矣此丹治一切瘡瘍潰後拔毒去腐生肌長肉瘡口

堅硬。肉黯紫黑。用丹少許。鷄翎埽上。立刻紅活。瘍醫若無紅白二丹。決難立刻取効。

大白昇。水銀。枯皂礬。焰硝。食鹽各一兩。共研至水銀不見星

爲度。入陽城罐內。口上一鐵油盞蓋之。鐵絲扎緊。鐵盞四圍用白綿絲條箝緊。外用鹽五兩。光粉和泥搗勻擦罐。入百眼爐內。初用文火一炷香。盞上常以微水潤之。至三炷香。用武火完爲度。俟冷定打開。取昇在盞上色白者。刮下研細盛用。此丹可服可敷。如瘡口有黃水用此。無水用紅粉霜。

一方加礪砂、黃丹、硃砂、膽礬、雄黃。

附封罐口神膠方。破砂罐末。草鞋灰。黃泥。傾銀藥末。燒鹽粽子各一兩。共研細末。用鹽酒調和膠丹。入乳鉢搗細。用抵子挑封罐口。

小紅昇。真水銀二兩。淨明礬二兩。提淨火硝二兩。右三味搗和

研勻。安鐵耳鍋內。蓋以高深宮碗。居中平穩。用煨石炭研細。揪滿碗罅。用圍平鍋口封好。放於風爐上。以先文後武之火。煉三炷香爲度。過夜待冷。以刀刮去封口石炭。輕輕捫抹碗罅。將碗揭起。用小刀刮下昇丹。或綠或黃或紅。各自貯開。磁瓶盛之。聽用。顏色雖殊。功效則一。陳一年者。出盡火氣。愈陳愈佳。此藥治一切瘡瘍。行腫癰各毒。初起出膿時。用此摻瘡口。自能呼膿拔毒。外用膏藥蓋之。如膿腐去淨者。另用生肌長